

Clypevs Theologiæ Thomisticæ

Continens Tractatus de erroribus Pelagianorum, de Gratia, de
Iustificatione & Merito, de Virtutibus Theologicis, & quatuor Cardinalibus,
ac de ineffabili mysterio Incarnationis

Gonet, Jean-Baptiste

Parisiis, 1669

§. III. Corollarium præcedentis doctrinæ,

[urn:nbn:de:hbz:466:1-77342](#)

cendi modos eos abite compellat. Sed his brevitatis causâ pratermissis, respondeo distinguendo Majorem. Principium meriti intrinsecum, & se habens per modum causæ formalis, concedo Majorem. Principium meriti purè extrinsecum, & se habens per modum causa efficientis moralis, aut finalis, nego Majorem. Similiter distinguo Minorem: Incarnatio seu Christus fuit principium meriti SS. Patrum, intrinsecum & formale, nego Minorem. Purè extrinsecum, & se habens per modum causa efficientis moralis, aut per modum causa finalis, concedo Minorem, & nego Consequentiam. Licet ergo Christus non potuerit sibi mereri, etiam de congruo, unionem hypotheticam, quia talis unio non est principium purè extrinsecum & effectivum meritorum Christi, sed etiam intrinsecum & formale, cum sit forma à quo valor meritorius operum Christi desumitur: & quavis etiam primâ gratia justificans non possit cadere sub merito, etiam de congruo, operum præcedentium aut subsequentium; quia haec est forma meriti constitutiva, & ad illud per modum causa efficientis non comparatur: Incarnatio tamen potuit cadere sub merito antiquorum Patrum, quia Christus non fuit principium seu causa intrinseca & formalis talis meriti, sed extrinseca dimittaxat; illud enim solum causavit ad modum causa efficientis moralis, ut plures existimant; vel ut alij docent, per modum causa duntaxat finalis, juxta illud ad Roman. 10. Finis legis Christus ad justitiam omni cedenti.

112. Dices, Inter principium meriti & præmium non potest esse mutua causalitas in eodem genere causa: At si SS. Patres meruerint Incarnationem de congruo, fuisset inter ea mutua causalitas in eodem genere causa efficientis moralis; Incarnatio enim, seu Christus, fuit (ut diximus) juxta plurium Thomistarum sententiam, causa efficientis moralis gratia antiquorum Patrum; & similiter antiqui Patres fuissent causa efficientis moralis Incarnationis, si illam de congruo meruerint: Ergo &c.

113. Sed negatur sequela Minoris, ad cuius probationem dicendum est, hoc inter meritum de congruo, & meritum de condigno, reperi discrimen; quod meritum de congruo, cum nullum inducat debitum iustitiae, non est causa efficientis moralis ejus cuius est meritum, sed portius dispositiva & materialis: meritum vero de condigno, cum debitum iustitiae inducat, rationem causa efficientis moralis habet: unde si SS. Patres de condigno meruerint Incarnationem, faisset inter ea mutua causalitas in eodem genere causa efficientis moralis; ex eo vero quod meruerint eam de congruo, solum sequitur mutua causalitas in diverso genere causa: Incarnatio enim, seu Christus, qui in genere causa efficientis moralis fuit principium meriti Sanctorum Patrum, in genere causa materialis, seu dispositiva, ab illis dependet, quia illi pijs & instantibus precibus ferventissimis desiderijs, ad recipiendum Christum, & obtinendum Incarnationis mysterium se disposituerunt: que dispositiones habuerunt rationem meriti de congruo, ut conclusione secundâ declaravimus.

114. Dices rursus: Si Patres antiqui meruerint de congruo Incarnationem, sibi etiam de congruo meruerint primam gratiam: Sed hoc communiter rejicitur ab omnibus melioris notæ Theologis: Ergo &c. Sequela probatur: Qui meretur cau-

A sam meretur effectum ex ea consecutum: Sed prima gratia sanctorum Veteris Testamenti fuit effectus Incarnationis: Ergo si illi meruerint de congruo Incarnationem, sibi etiam de congruo meruerint primam gratiam.

Kefpondeo negando sequelam Majoris, ad cuius probationem dicendum, quod quamvis qui meretur causam, mereatur etiam effectum, naturaliter & per se illa secutum; si tamen effectus non sequatur naturaliter, sed liberè ex tali causa, non est necesse illum qui meretur causam, etiam de congruo mereri effectum. Nam si v. g. aliquis mereretur Paulo primam gratiam de congruo, qui postea mediante hujusmodi gratia meretur Petri conversionem, non propterea diceretur mereri Petri conversionem.

Addo quod antiqui Patres potuerunt quidem mereri de congruo Incarnationem, quia jam presupponeretur habere gratiam, non tamen potuerunt mereri primam gratiam, etiam de congruo, quia ante illam non erant amici Dei, nec consequenter poterant ab eo aliquid de congruo promereri, cum tale meritum fundetur in legibus amicitie, & necessario presupponat gratiam in merente.

§. III.

Corollarium precedentis doctrinae.

C Ex dictis inferes, B. Virginem, nec meruisse, nec potuisse mereri de condigno, ut esset Mater Dei, benè tamen de congruo.

Prima pars hujus corollarij patet ex suprà dictis: In primis enim cum maternitas B. Virginis, utpote ad Christum Deum & hominem terminata, Incarnationem involvat, quæ dicta sunt de Incarnatione, de maternitate B. Virginis intelligenda sunt: At suprà ostendimus, nec SS. Patres, nec B. Virginem, nec ullam puram creaturam, meruisse de condigno, nec mereri potuisse Incarnationem: Ergo B. Virgo, nec meruit de condigno, nec mereri potuit Dei maternitatem.

Deinde, Maternitas B. Virginis est bonum aliquo modo infinitum, pertinens ad ordinem superiorum gratiæ & gloriæ; nimur ad ordinem hypotheticum: Unde B. Virginis propter maternitatem Dei, debetur excellentior cultus, quam cuilibet alteri Sancto, propter excellentiam gratiæ, ut notavit D. Thomas 2. 2. quæst. 103. art. 4. ad 2. Ergo merita B. Virginis, cum essent solum ordinis gratiæ, erant improportionata respectu talis præmij, subindeque illud de condigno mereri non poterant.

Addo quod, merita B. Virginis procedebant ex gratia adoptionis, quæ ut sic solum respicit & inclinatur ad acquirendam beatitudinem, non autem ad promerenda ea quæ sunt ordinis hypothetici, ad quem pertinet maternitas B. Virginis, cum sit circumstantia intrinseca Incarnationis.

Dices primò: Qui meretur de condigno dispositiōnē ad aliquam formam, videtur etiam mereri ipsam formam: Sed B. Virgo de condigno promeruit illum sanctitatis gradum quo ultimò fuit disposita ad maternitatem Dei, ut docet D. Thomas lic. art. 11. ad 3. Ergo pariter meruit de condigno suam maternitatem.

Respondeo primò, negando Majorem, quia contingere potest ut dispositio ad aliquam dignitatem non excedat proportionem virtutis merentis, benè tamen ipsa dignitas: sicut si v. g. ad hoc ut aliquis fieret Rex, requireretur quod haberet

DE CAVSA PHYSICA ET MORALI INCARNAT. 483

artem bellandi, posset ex seipso eam acquirere, quamvis ex seipso dignitatem regiam acquirere non valeret. Sic ergo, quia decebat eam quæ assumenda erat in Matrem Dei, esse purissimam, & sanctissimam, potuit B. Virgo hanc suis meritis condignis acquirere sanctitatis praestantiam, quia vires ejus, ut per gratiam elevatas, non excidebant; non potuit tamen acquirere, seu de condigno promereri, divinæ maternitatis titulum.

Secundò responderi potest, majorē esse veram de dispositione quæ haberet necessariam connexionem cum forma recipienda, non verò de illa qua habet solum connexionem quandam moralem cum forma, & quæ decentiam quandam & congruitatem solum importat. Ille verò sanctitatis & puritatis gradus, quem B. Virgo habuit, dum Filium Dei concepit, non fuit dispositio physica & ex natura rei connexa cum ejus maternitate, sed duntaxat moralis & congrua; quia nimis ex suppositione quod Deus decrevisset homo fieri ex muliere, ex nulla tam congrue, quā ex B. Virgine, potuisse carnem assumere, ob eximiā sanctitatem & puritatem quā enitebat. Quo pacto posset quispiam, tametsi non mereatur Regis adventum in urbem aliquam, dici tamen promereri, ut Rex si eō venitur est, divertat ad ipsum, eō quod nullus sit tali hospite prior, vel etiam quæ idoneus ad excipendum Regem, neque congruentius alibi sit habiturus hospitium.

Dices secundò, Augmentum gratiæ est quid maius, quā maternitas Dei: Sed B. Virgo meruit de condigno augmentum gratiæ & charitatis: Ergo à fortiori maternitatem Dei. Minor patet, Major verò suaderet ex illo Luca 11. ubi cùm mulier quedam excellens vocem dixisset ad Christum, Beatus venter qui te portavit, & ubera quæ fuxisti, subiunxit Christus, Quoniam in te Beati qui audiunt Verbum Dei, & custodiunt illud. Quibus verbis, ut annotat Glossa ibidem, præposuit Christus sanctitatem vitæ, dignitatem Matris Dei. Hinc Augustinus libro de sancta virginitate cap. 3. ait: Beator fuit Maria, percipiendo fidem Christi, quā concipiendō carnem Christi. Et alibi dicit, quod felicior fuit concipiendō Christum mente, quā venire.

Respondeo, negando Majorem, nam esse Matrem Dei est aliquo modo cooperari proximè ad unionem hypostaticam, ministrando scilicet maternam proli concipiendæ, quæ est Deus, & a proinde importat dignitatem quandam infinitam, ut docet S. Thomas 1. p. quæst. 25. art. 6. ad 4. Addo tamen, quod ipsi B. Virginī (loquendo formaliter) fuit magis proficia sua sanctitas personalis, quam dignitas matris; quia per sanctitatem fuit intrinsecè perfecta per plura dona supernaturalia, quod non habuit per maternitatem, nisi causaliter, in te nec phisice, sed solum moraliter; quatenus scilicet congruum erat quod Mater Dei haberet præcærter sanctis plus gratiæ & puritatis, & hoc est quod voluit Christus Luca 11. & Augustinus locis citatis. Addo etiam quod iste consultò non dixit Mariam fuisse digniorem, vel nobiliorem, percipiendo fidem Christi, quā concipiendō carnem Christi, sed beatiore; quia nimis gratia, per quam Christum mente concepit, cùm esset semen gloriae, & radix visionis beatificæ, magis immediate ordinabatur ad ejus beatitudinem, quam maternitas Dei, quæ essentialiter non importat jus & ordinem ad beatitudinem, cùm Christus potuerit nasci

Tom. IV.

A ex fæmina peccatrice.

Secunda etiam pars corollarij, quæ asserit B. Virginem de congruo meruisse maternitatem Christi, ex supra dictis colligitur: Nam meritum de congruo, ut supra ostendimus, fundatur in legibus amicitiae, secundum quas congruum est quod amicus amicum exaudiat, quando perit quæ justa sunt: Sed B. Virgo erat inter omnes magis amica Dei, & alias est valde probabile, illam instanter orasse Deum, ut Filium suum mitteret in mundum, ad redimendum genus humandum à Dæmoniis & peccati servitute, atque ferventiū & instantiū quām fecerint alii Patres antiqui: Ergo congruum fuit ut propter ejus orationes, & desideria, non solum mitteret Deus Filium suum in mundum, sed etiam ut faceret illam esse ejus matrem. Unde pulchrit S. Bernardus serm. de aqua ductu. Sed quomodo noster hic aqua ductus fontem illum attigit tam sublimem? Quomodo putas, nisi vehementia desiderij, nisi fervore devotionis, nisi puritate orationis? sicut scriptum est: Oratio justi penetrat celos. Et quis justus, si non Maria justa, de qua Sol justitia ortus est nobis? Quomodo ergo illam inaccessam attigit majestatem, nisi pulsando, petendo, qua-

rendo?

Confirmatur: Aliqui ex Patribus meruerunt de congruo ut Christus ex ipsis originem duceret, ut supra vidimus de Abrahamo & Davide: Ergo & de congruo meruit ipsa B. Virgo, quod esset illius Mater: etenim omne meritum quod conceditur aliis Sanctis, concedendum est B. Virginis, & in gradu magis perfecto, sicut & in gradu perfectiori fuit amica Dei.

Confirmatur amplius: Licet decretum intentionis Christi, & nativitatis ejus ex Virgine, decretum electivum Virginis in Matrem, & meritum ejus præcesserit, ac per consequens ex illius meritis non procecerit; decretum tamen executivum Incarnationis Verbi, posterius fuit decreto executivo actum quibus Beatissima Virgo se depositus ad maternitatem; Tum quia quæ sunt priora in ordine intentionis, sunt in executionis ordine posteriora; Tum etiam quia decreta executiva cum ordine executionis objectivo commensurantur: atque verò quibus B. Virgo se ad maternitatem depositus, in ordine executionis Christum & nativitatem ejus ex Virgine præcessere: Ergo licet B. Virgo non meruerit Christum, ut spectante ad ordinem intentionis, meruit tamen nativitatem Christi ex seipso, prout subest ordinis executionis, & decreto executivo.

Accedunt testimonia SS. Patrum, qui uno ore fatentur B. Virginem, ob vice sanctitatem, & puritatem eximiā, meruisse concipere Regem cœlorum & Dominum: Ambrosius enim lib. 2. de Virginibus: Maria (inquit) digna exiit ex qua Dei filius nascetur. Hieronymus ad Eu-
stoch. de custodia Virginitatis: Tanta puritas Maria exiit, ut mereretur effici Mater Filii Dei. Fortunatus libro de æternis gaudiis.

Virginitas felix, quæ partu est digna tonantis;
Quæ meruit Dominum progenerare suum.

Alia similia quā plurima Patrum loca addensat Canisius libro 2. Mar. cap. 16. quæ explicari nequeunt de merito impropiè sumpto, nimis non ut significat actionem dignam præmio, sed solum coaptationem quandam & correspondentiam unius ad alterum, in qua significatione canit Ecclesia in benedictione cerei paschalisi,

P pp. ij

O felix culpa qua talem ac tantum meruit habere Redemptorem! Non, inquam, in hoc sensu hæc loca interpretari possunt, ut contendit Lorca: Tum quia licet nomen meriti aliquando ita accipiat, tamen cum ipsum meritum tribuitur vita sanctitati, necesse est illud accipere in significacione propria, de qua nunc agimus. Tum etiam, quia plures ex SS. Patribus hoc meritum attribuunt bonis operibus ipsius B. Virginis, ut patet ex verbis D. Bernardi supradicti relatis: meritum autem quod bonis operibus alicuius tribuitur, accipiendum est in propria significacione.

DISPUTATIO VIII.

De persona assumente.

Ad questionem 3. D. Thome.

Postquam Sanctus Doctor quidditatem seu essentiam unionis hypostaticæ, & causas ejus explicavit, incipit agere de duabus extremis ad illam concurrentibus, & primò de persona assumente, in hac questione; deinde de natura assumpta, in sequenti.

ARTICULUS PRIMVS.

Vtrum Persona Verbi immediatè & proximè terminaverit humanitatem assumptam, ratione subsistentiæ absolutæ & communis, vel ratione subsistentiæ relativæ & personalis?

§. I.

Quibusdam premissis referuntur sententie, & vera eligitur.

I. **C**ertum est de fide, solam secundam Sanctissimæ Trinitatis personam incarnatam esse, ac proinde illam solam terminare ut quod naturam humanam; sed dissensio & controversia est inter Theologos, in assignanda ratione formaliter primaria terminandi hanc unionem, seu in explicando per quid Verbum primò & formaliter humanitatem terminet, an per subsistentiam absolutam & communem, vel per relativam & personalem? Supponimus enim ex Tractatu de Trinitate, præter divinam naturam, & existentiam ejus, quæ est de conceptu illius intrinseco, dari in Deo tres subsistentias relativas; quia dantur tres personæ, ut fides docet, nec possunt illæ constitui nisi tribus personalitatibus relativis; personalitates autem nihil aliud sunt quam subsistentia in natura intellectuali. Supponimus etiam præter subsistentias illas relativas & incommutabiles, dati in Deo secundum se considerato, & ut personis & relationibus præintellecto, subsistentiam absolutam & essentialē, per quam natura divina per se subsistit, non quidem incommunicabiliter, eo modo quo personæ, sed communicabiliter. Cujus suppositionis duplex potest assignari ratio. Prima est, quia subsistere ut sic, & ut dicit per se existere, importat perfectionem simpliciter simplicem. Subindeque debet competere naturæ divinae secundum se considerata, & prout personis & relationibus præintel-

A ligitur. Secunda, quia Deus ut præintellectus relationibus & personis, operatur ut quod: v.g. creat, gubernat, conservat: unde cum operationes non sint nisi subsistentium, Deus ut sic consideratus debet habere subsistentiam. Quia omnia in Tractatu de Trinitate latè probata sunt, & ideo hic supponenda, & recolenda, seu breviter ^{Diss. 1.} prælibanda. His præmissis.

Circa propositam difficultatem triplex versatur sententia. Prima est Durandi in 2. dist. 1. quest. 2. existimantis unionem per se & immediatè factam esse ad subsistentiam absolutam Dei; mediata autem & secundariò ad proprietatem relationis Filii; & ob hanc secundam unionem, quæ personalis est, solam personam Filii fuisse carnatum de facto. In qua sententia inductus fuit, quia existimavit proprietates relativas non esse subsistentiam, seu nullas dari in Deo subsistentias relativas, sed rationem subsistentie in Deo esse unicam & absolutam; proprietates vero relativas solum dare incommunicabilitatem.

Secunda fatur quidem Verbum non terminare primariò unionem humanitatis, ratione subsistentiæ absolutæ, præcisè & absolutè simpliciter, ut docet Durandus; sed vult eam terminare primariò ratione subsistentiæ absoluta, ut modicata proprietate relativâ Filii; ita quod subsistentia absoluta sit ratio formalis terminandi, ipsa vero relatio, seu personalitas Verbi, solum conditio sine qua non: eo proportionali modo, quo potentia generativa in Patre constituitur per essentiam divinam, quæ tamen requirit tanquam conditionem, relationem paternitatis, per quam modificatur. Hanc sententiam tribuit Medina Marsilio, Victoria, & Soto, eamque sequuntur, qui non distinguunt realiter in creatis subsistentiam ab existentia.

Tertia, quæ est communis in Schola D. Thomæ, docet Verbum terminare aequaliter unionem humanitatis, ratione subsistentiæ relative, seu personalis, per quam constituitur in ratione personæ, atque distinguunt à Patre, & Spiritu Sancto. Ita Cajeranus, Medina, Nazarius, Alvarez, Aravias, Joannes à S. Thoma, Cipillus, & ali ex nostris Thomistis, cum quibus

Dico primò: Ratio formalis & proxima per quam Verbum Divinum terminavit humanitatem, non est ipsa subsistentia absoluta & communis, sed personalitas, seu subsistentia relativa & personalis, per quam constituitur in ratione personæ distinctæ à Patre & Spiritu Sancto.

E Probarut primò conclusio ex Concilio Tolentino 6. & 11. in confessione fidei, ubi hæc veritas videtur definita, his verbis: *Incarnationem Filii tota Trinitas operata est. quia inseparabilia sunt opera Trinitatis, solus tamen Filius formam serviri accepit in singularitate personæ, non in unitate divina natura, in id quod proprium est Filii, non quod Trinitati commune est.* At si humanitas fuisset primò unita subsistentiæ absolutæ, falsa esset proppositio negativa Concilij, quæ docet Filium non suscipisse humanitatem in id quod commune est Trinitati; cum talis subsistentia absoluta, tribus personis communis sit, sicut & natura: Ergo ut veritas dictæ propositionis subsistat, afferendum est, humanitatem non fuisse immediate unitam subsistentiæ absoluta communi, sed relativæ & personali, per quam Filius constituitur in ratione personæ distinctæ à Patre & Spiritu Sancto.

E Confirmatur ex 6. Synodo generali actione 8. 4.